


**Ka Moporesidente
Henry B. Eyring**

Mogakolodi wa Ntlha mo
Boporesidenteng jwa Ntlha



Boporofiti le Tshenolo ya Mong

Kereke ya boammaaruri ya ga Jeso Keresete e buseleditswe mo lefatsheng mo malatsing ano. Kereke ya ga Jeso Keresete ya Baitshepi ba Malatsi a Bofelo e eteletse pele ke baporofiti ba ba tshelang le baaposetole, ba ba amogelang kaelo ka metlha gotswa kwa legodimong.

Mokgwa o wa selegodimo o ne o le boammaaruri le mo metlheng e e fetileng. Re ithuta mo Baebeleng: “Ammaaruri Morena Modimo o tlaabo a sa dire sepe, mme o senolela sephiri sa gagwe go batlhanka ba gagwe baporofiti” (Amos 3:7).

Modimo o buile gape mo metlheng ya rona, ka Moporofiti Joseph Smith. O senotse ka Moporofiti Joseph Smith efangele ya ga Jeso Keresete ka botlalo. O ne a busetsa boperesiti jo bo boitshepo le dilotlolo le ditetla tsothe, dithata, le ditirelo tsa thata e e boitshepo ya boperesiti.

Mo matsatsing ano, baporofiti le baaposetole ba filwe taolo go bua, go ruta, le go kaela ka taolo gotswa go Modimo Rara le Morena Jeso Keresete. Mmoloki o ne a raya Moporofiti, “Se Nna Morena ke se buileng, ke se buile, mme e bile ga ke ipate, le fa legodimo le lefatsheng diraya ka feta, mafoko ame ga a ka ke a feta, mme a tlaa diragadiwa otlhe, e ka tswa ele ka lentse lame kgotsa ka lentse la batlhanka bame, go tshwana fela.” (D&C 1:38).

Mo khonforenseng ya kakaretso ya bobedi mo ngwageng, re segofadiwa ka tshono ya go utlwa lefoko la Morena mo go rona gotswa mo batlhankeng ba Gagwe.

Seo ke monyetla o o fitileng tlhathlwa. Mme boleng jwa tshono eo bo ikaegile ka gore a re amogela mafoko ka tlhotlheletso ya Moya o o tshwanang le o o neetsweng batlhanka bao (bona D&C 50:19–22). Jaaka fa ba amogela kaelo go tswa kwa legodimong, le rona re tshwanetse ra e amogela. Seo se tlhoka maatla a semoya.

“Dira Tiro ya Gago”

Dingwaga tse di fitileng mongwe wa leloko la Khoramo ya Baaposetole ba ba Lesome le bobedi o ne a nkopa go bala puiso ya khonforense e a neng a e baakanyetsa khonforense ya kakaretso. Ke ne ke le yo mmotlana wa leloko la khoramo. Ke ne ka tlotlomadiwa ke tshepho ya gagwe gore Nka mo thusa go batla mafoko a Morena a batlang a bua. O ne a nthaya a re ka monyenyo, “Oh, o ke mokwalo wa bo 22 wa puiso e.”

Ke gakologelwa kgakololo ya ga Moporesidente Harold B. Lee (1899–1973) e a neng a e neetse go le pele ka kgathelelo e kgolo: “Hal, fa o batla go amogela tshenolo, dira tiro ya gago.”

Ke ne ka bala, ka tlhatlhanya, le go rapela ka mokwalo wa bo 22. Ke ne ka bala kafa ke kgonang ka teng Ka tlhotlheletso ya Moya o o boitshepo. Ka nako, e leloko la khoramo le bua, ke ne ke dirile tiro yame. Ga ke itse gore a ke ne ke thusitse, mme ke a itse gore ke ne ka fetoga fa ke utlwa puiso eo e neelwa. Melaetsa e tile mo go nna ka mafoko aa kgakala le se ke se badileng le se a se buileng.

Mafoko ao a nnile le bokao gona le a ke a badileng pele. Molaetsa o ne o lebanye nna, o akaretsa tse ke di tlhokang.

Batlhanka ba Modimo ba itima dijo le go rapela go amogela molaetsa gore ba ofe ba ba tlhokang tshenolo le tlhotlheletso. Se ke se ithutleng mo maitemogelong a, le a mangwe a tshwanang le ao, ke gore go amogela dipoelo tse di leng teng go utlwa baporofiti ba ba tshelang le baaposetole, re tshwanetse ra duela tlhwatlhwa ya go amogela tshenolo.

Morena o rata mongwe le mongwe yoo ka utlwang molaetsa wa gagwe, e bile O itse dipelo le diemo tsa mongwe le mongwe. O itse paakanyo, kgothatso, le boammaaruri jwa efangele jo bo ka thusang mongwe le mongwe go tlhopha tsela e e ka mo isang ko botshelo jo bosakhutleng.

Rona ba re reetsang le go lebelela molaetsa wa khonforense ya kakaretso nako dingwe re akanya morago, “Ke gakologelwa eng thata?” Tsholofelo ya Morena mo go mongwe le mongwe wa rona ke gore karabo e nne: “Gankitla ke lebala nako e ke utlwileng lentswe la Moya mo tthaloganyong le pelong le mpolelela se nka se dirang go itumedisa Rara yo o ko Legodimong le Mmoloki.”

Re ka amogela tshenolo fa re reetsa baporofiti le baaposetole le jaaka fa re dira ka tumelo go amogela se, jaaka Mopresidente Lee a rile re ka dira. Ke a itse gore se ke boammaaruri go tswa mo maitemogelong le ka bosupi jwa Moya o o boitshepho.

GO RUTA GO TSWA MOLAETSENG O

Akanya ka go balela kwa godimo polelo ya ga Mopresidente Eyring ka go bala mokwalo wa puiso ya khonforense ya leloko la khoramo. O ka botsa, “Tlhwa-tlhwa ya go amogela tshenolo ke eng?” Morago ga go buisana, o ka laletsa ba oba etelang go tlhatlhanya le

go diragatsa thulaganyo ya go amogela melaetsa ya khonforense ya kakaretso e e tlang “ka tlhotlheletso ya Moya o bao filweng ke batlhanka ba [Modimo].”

BANANA

Rara yo o ko Legodimong o buile le nna ka Puiso ya Khonforense

Ka Anne Laleska Alves de Souza

Ke ne ke sa wela mogopolo ka se ke batlang go se ithuta kwa mmadikolo. Bontsi jwa batho bane ba bua tse di seng molemo ka se ke neng ke batla go se dira, mme Ke ne ka rapela gore Morena a o dumalana le tshwetso e ke e tsereng.

Karabo yame e tlile letsatsi le le latelang fa ke bala puiso ya khonforense ya kakaretso mo*Liahona*. Ke ne ka ikutlwa e kare Rara yo o ko Legodimong o ne a mpo-lelela gore A ka se ntlhophele— se ene ele tshwetso e ke tshwanela go e dira kele esi. Ke ne ke itse gore se ke se tlhophang, Ke ne ke tshwanelwa ke go dira ka thata gore ke atlege.

Ke a itse gore thapelo yame ene ya arabiwa. Tlho-mamiso ya Moya o o Boitshepo e nthusitse go tsaya tshwetso. Ke ithutile go dira ka natla gape kea itse gore Rara yo o ko Legodimong o tla nthusu.

Mokwadi o nna kwa Sergipe, Brazil.

BANA

Sala morago Moporofiti

Baporofiti le baaposetole ba bua mo boemong jwa ga Rara wa Legodimo le Jeso Keresete. Ba re ruta go sala Jeso morago. Ke eng dilo tse baporofiti le baaposetole ba re kopileng go di dira?



Tumelo, Lelwapa, Thuso

Barwadie Rara wa Bosakhutleng

Ka thapelo ithute tiriso e mme o senke go itse gore o ka abelana eng. Go tlhaloganya “The Family: A Proclamation to the World” go ka godisa tumelo yame mo Modimong jang le go segofatsa bao o ba tlhokometseng ka thuto ya ketelo? Go bona molaetsa ka boitlalo, etela reliefsociety.lds.org.

Dikwalo tse di boitshepho di re ruta gore “re bana ba Modimo” (Acts 17:29). Modimo o ne a bitsa Emma Smith, mosadi wa ga Moporofita Joseph Smith, “morwadiake” (D&C 25:1). Polelo ya lelwapa e re ruta gore mongwe le mongwe ke “mowa o o rategang . . . morwadie batsadi ba legodimo.”¹

“Pele retla mo lefatsheng, rene ra ithuta ka sebopego sa mosadi sa bosakhutleng,” go bua Carole M. Stephens, mothusi wa ntlha wa boporesideteng jwa Mokgatlo wa Thuso.

“Loeto la rona mo lefatsheng ga le a ka la fetola boammaaruri jo.”²

“Rara yo o ko Legodimong o go itse ka leina le go itse diemo tsa gago,” ga bua Elder Jeffrey R. Holland wa Khoramo ya Baapostole ba ba Lesome le Bobedi. “O utlwa dithapelo tsa gago. O itse ditsholofelo le ditoro tsa gago, go akaretsa le dipoifo le matshwenyego a gago.”³

“Mongwe le mongwe wa rona oa tlhokega mo lelwapeng lwa Modimo,” ga bua Kgaitisadi Stephens. “Malwapa a mo lefatsheng ga a le-bege a tshwana. Jaaka fa re aga ditso

tse di nonofileng tsa malwapa, bo-loko mo lelwapeng lwa Modimo ga bo laolwe ke maemo ape — seemo sa nyalo, gore a o motsadi, seemo sa madi, seemo sa gago mo chabeng, kgotsa le tse di kwalwang mo go tsa maranyane.”⁴

Dikwalo tsa Tumelo tse di tlaleletsang

Jeremiah 1:5; Romans 8:16; Doctrine and Covenants 76:23–24

Gotsweng mo Ditsong tsa Rona

Mo tiragalong ya Pono ya Ntlha,⁵ Moporofiti Joseph Smith o netefatsa tse dintsi— tse di akaretsang gore Rara yo o ko Legodimong o itse maina a rona.

Joseph yo mmotlana o ne a sokola go itse gore a nne leloko la kereke efe mme a bona karabo mo James 1:5. Joseph o ne a fetsa ka gore o tlaa botsa Modimo.

Letsatsi lengwe mo mosong ka 1820, o ne a ya mo sekgweng go rapela mme o ne a kgorelediwa ke thata nngwe ya lefifi. Ka se o ne a kwala:

“Fela ka motsotso o ne oo wa po-ifo, Ke ne ka bona pilara ya lesedi

fa godimo ga tlhogo yame, go gaisa kgalalelo ya letsatsi, e e neng e fologela ka iketlo go fitlhela e wela mo go nna.

“Ka bonako gone ga bonala gore ke ipone ke golotswe gotswa mo mmabeng yo a neng a mpofeletse. Fa lesedi le sena go wela mo go nna Ke ne ka bona Batho ba babedi, bao Phatshimo le kgalalelo ya bone e neng e gaisa tlhaloso tsotlhe, ba eme fa godimo game mo phefong. Mongwe wa bone o ne a bua le nna, a mpitsa ka leina mme a re a supa yo mongwe—*Yo ke Morwaaake yo o Rategang. Mo Utlwe!*” (Joseph Smith—History 1:16–17).

DINTLHA

1. “The Family: A Proclamation to the World,” *Liahona*, Nov. 2010, 129.
2. Carole M. Stephens, “The Family Is of God,” *Liahona*, May 2015, 11.
3. Jeffrey R. Holland, “To Young Women,” *Liahona*, Nov. 2005, 28.
4. Carole M. Stephens, “The Family Is of God,” 11.
5. Bona Thuto ya Efangedi, “First Vision Accounts,” topics.lds.org.

Akanyetsa Se

Go itse gore o ngwana wa Modimo go ama jang ditshwetso tse o di tsayang?